

CARTA VMNÁÁⁿ VMNAAⁿ YEⁿ'E 'IIⁿ'YĀⁿ YEⁿ'E YĀĀⁿ TESALÓNICA

Pablo ndúúcū compañeros yeⁿ'é yā idinguúⁿ yā carta 'cūū yeⁿ'e 'iiⁿ'yāⁿ yeⁿ'e yāācū na yāāⁿ Tesalónica

1 'Úú, Pablo, idinguúⁿ carta 'cūū ndúúcū saⁿ'a Silvano ndúúcū saⁿ'ā Timoteo yeⁿ'e hermanos yeⁿ'e yú chi caⁿ'á yā na yaācū yeⁿ'e yāāⁿ Tesalónica, 'iiⁿ'yāⁿ chi yeⁿ'é Ndyuūs Chiida yú nícú yeⁿ'é Señor Jesucristo. Neⁿ'é 'nū chi Ndyuūs Chiida yú ndúúcū Señor Jesucristo téé yā ndís'tiī nducuéⁿ'ē vaadi n'dai yeⁿ'é yā, ní vaadi 'diifⁿ yeⁿ'é yā canee na staava yeⁿ'é nī.

'Iiⁿ'yāⁿ yeⁿ'e yāāⁿ Tesalónica din'daacá yā ní diitu i'téenu yā Jesucristo

2 Ca'á 'nū gracias nanáāⁿ Ndyuūs cáāvā nducyaaca ndís'tiī ní taachi caaⁿ'maⁿ'ngua'á 'nū inin'gáácú 'nū yeⁿ'e ndís'tiī. **3** Ní taachi ngaⁿ'angua'á 'nū nanáāⁿ Ndyuūs Chiida yú, ngaⁿ'angua'á 'nū yeⁿ'e ntiiⁿ'nyuⁿ chi dífⁿ nī caati i'téenu cá nī ní chí neⁿ'e cá nī nducyaaca 'iiⁿ'yāⁿ ní chí nginneé yā 'iiⁿ'yāⁿ. Ní cuchée nī yeⁿ'e tanducuéⁿ'ē. Ní 'áámá canee nī ndúúcū chi i'téenu nī caati cūnee ngiinú nī chi Señor Jesucristo yeⁿ'ē yú caⁿ'á yā téé yā

chiiⁿ chi cuuvi yeⁿ'é nī. **4** Ndís'tiī, hermanos yeⁿ'é 'nū, Ndyuūs neⁿ'é yā ndís'tiī. Ní deenú 'nū chi Ndyuūs ndēēve yā ndís'tiī chi ndís'tiī cuuvi yeⁿ'é yā ndís'tiī. **5** Taachi ngaⁿ'a 'nū nduudu cuaacu yeⁿ'é Ndyuūs nanáāⁿ ndís'tiī nguēē dámaāⁿ ngaⁿ'á 'nū nduudu miiⁿ ndúúcū nduudu yeⁿ'é 'nū ti ndúúcū poder yeⁿ'ē Espíritu N'dai yeⁿ'é Ndyuūs. Ní deenú 'nū chi nduudu cuaacu miiⁿ ní cuaacu. Ndís'tiī ní deenú nī du'u saⁿ'ā nús'uu taachi caneé 'nū ndúúcū ndís'tiī ní táácā dífⁿ 'nū caati maáⁿ nī cuuvi 'cuēetinée n'daaca nī.

6 Ní ndís'tiī ní 'āā diiⁿ nī tan'dúúcā chi nús'uu dífⁿ 'nū ní tan'dúúcā chi diiⁿ Señor Jesucristo yeⁿ'ē yú. Ní i'téenu nī nduudu cuaacu yeⁿ'é Ndyuūs. Ní yeenú nī ndúúcū vaadi yeenú chi Espíritu N'dai yeⁿ'é Ndyuūs tee yā ndís'tiī 'áará chí ch'eenú nī chiī cucáāvā chi i'téenu nī. **7** Ní cucáāvā chi dífⁿ nī 'tuucā nducyáácá 'iiⁿ'yāⁿ chi i'téenu yā Señor Jesucristo, 'iiⁿ'yāⁿ yeⁿ'e núnúⁿ'máⁿ yāⁿ'āa Macedonia ndúúcū núnúⁿ'máⁿ yāⁿ'āa Acaya cuuvi cuta'á ndís'tiī tan'dúúcā 'áámá ejemplo ní dífⁿ yā tan'dúúcā chi dífⁿ nī. **8** Ní ndís'tiī diiⁿ nī chi tanáⁿ'ā 'iiⁿ'yāⁿ

cuuvi déénu yā nduudu cuaacu yeⁿe Señor. Nguεε dámaaⁿ 'iiⁿ'yāⁿ yeⁿe yáⁿ'āa Macedonia ndúúcū 'iiⁿ'yāⁿ yeⁿe yáⁿ'āa Acaya naati 'iiⁿ'yāⁿ yeⁿe nducuéⁿ'ē cuaāⁿ 'āa deenú yā chi ndis'tii i'téénu nī Ndyuūs. Ní nguεε canéé chi caaⁿ'maⁿ cá 'nū de'ē vεε yeⁿe nī ti n'daacā i'téénu nī. ⁹Ní nducyaaca 'iiⁿ'yāⁿ ngaⁿ'a yā nús'uu yeⁿe visita yeⁿ'é 'nu taachi caneé 'nū nguaaⁿ ndís'tii. Nī ngaⁿ'a yā tan'dúúcā chi ndís'tii s'néeⁿ nī ídolos caavā chi cu'téénu nī Ndyuūs chí canduuchi, Ndyuūs chí cuáácú chi Ndyuūs. Ní tuca'á nī díⁿ nī ntiiⁿ'nyuⁿ yeⁿ'é Ndyuūs. ¹⁰Tiicá ntúūⁿ ngaⁿ'a yā chi ndís'tii cūnee ngiinú nī chi Jesucristo chi Daiya Ndyuūs ní ndaa yā taama vmnéⁿ'ēe yeⁿ'ē va'ai chεeti nguuví. Ndyuūs nada'cueeⁿ yā Jesús miiⁿ yeⁿ'ē nguaaⁿ tináⁿ'ā. Nífcú Jesucristo miiⁿ ní 'iiⁿ'yāⁿ chi nadanguáⁿ'ai yā s'uuúⁿ yeⁿ'ē castigo chi neené díftūu yeⁿ'e tiempo chi cuchíi.

Ntiiⁿ'nyuⁿ chi díiⁿ Pablo naachi canéé yā na yāāⁿ Tesalónica

2 Ndís'tii, hermanos yeⁿ'e yú, deenú nī chi tiempo chi canéé 'nū nguaaⁿ ndís'tii chi nguεε tandii rá díⁿ 'nū ntiiⁿ'nyuⁿ yeⁿ'é Ndyuūs. ²Āa deenú nī chi 'āa cueⁿ'é 'nū yāāⁿ Filipos vmnaaⁿ chi ndaaⁿ 'nū nanááⁿ ndís'tii. Ní déénu nī chi 'iiⁿ'yāⁿ miiⁿ'ya nguεε n'daacā díⁿ yā nduucú 'nū. Ní ngaⁿ'a taāⁿ yā yeⁿ'é 'nū chi ch'eenú 'nū chii. Nífcú taachi ndaaⁿ 'nū nanááⁿ ndís'tii, nguεε 'va'á 'nū chi caaⁿ'máⁿ 'nū nduudu cuaacu chí ngai yeⁿ'e Cristo 'áará chí deenú 'nū chi vεε cá 'iiⁿ'yāⁿ chi contra yeⁿ'e nús'uu, 'iiⁿ'yāⁿ chí nguéé n'daacā

díⁿ yā nduucú 'nū. ³Caati deenú 'nū chi ngaⁿ'á 'nū nduudu cuaacu miiⁿ nguéé ndúúcū vaanicadíínuuⁿ yeⁿ'é 'nū chí nguéé n'daacā ndíí nguéé ndúú nginnche'éí 'nū 'iiⁿ'yāⁿ. ⁴Naati Ndyuūs n'diichí ya vida yeⁿ'é 'nū chi n'daacā n'geetineé 'nū. Ní tee yā ntiiⁿ'nyuⁿ nús'uu chí caaⁿ'máⁿ 'nū nduudu cuaacu yeⁿ'ē chí cuuvi nanguáⁿ'ai 'iiⁿ'yāⁿ yeⁿ'e nuuⁿndi yeⁿ'é yā. Ní nguεε díⁿ 'nū ntiiⁿ'nyuⁿ miiⁿ chí cūnee yíínuu 'iiⁿ'yāⁿ naati díⁿ 'nū chiiⁿ chí neⁿ'e Ndyuūs chí snaaⁿ yā nducuéⁿ'ē chí vεε na staava yeⁿ'e yú. ⁵Ní ndís'tii deenú nī chí nguéé ngaⁿ'á 'nū nduudu cuaacu miiⁿ ndúúcū n'dee n'dái nduudu chí n'dai taavi chí cūnee yiinú nī yeⁿ'é 'nū. Ní nguéé ngaⁿ'á 'nū cáávā chí díⁿ 'nū ganar tuūmí. Ndyuūs ní deenú yā yeⁿ'é 'nū yeⁿ'e chí díⁿ 'nū. ⁶Mar 'áamá vmnéⁿ'ēe díⁿ 'nū ntiiⁿ'nyuⁿ yeⁿ'é Ndyuūs caavā chí 'iiⁿ'yāⁿ cuuvi caaⁿ'máⁿ yā chí n'geeté 'nū. Ní nguéé nanááⁿ ndís'tii, ndíí nguεε nduu nanááⁿ tanáⁿ'a yā. Ní deenú 'nū chí cuuvi ch'iⁿ'í 'nū 'iiⁿ'yāⁿ chí ch'εete maáⁿ 'nū caati Cristo dich'ó yā nús'uu chí díⁿ 'nū ntiiⁿ'nyuⁿ yeⁿ'e apóstoles ní candéé 'nū nduudu yeⁿ'é yā. ⁷Naati 'tíicā díⁿ 'nū ndúúcu nī tan'dúúcā chí ndís'tii da'cai yā daiyá 'nū. Niicu tan'dúúcā chí díⁿ 'áamá n'daataá ndúúcū daiyá yā taachi idi'cuiitá yā ní díⁿ yā cuidado daiyá yā, 'tíicā díⁿ 'nū ndúúcu nī. Ní n'daacā ngaⁿ'á 'nū ndúúcū nī ndúúcū vaadi n'giinu. ⁸Ní 'tíicā neⁿ'e cá 'nū ndís'tii chí neⁿ'é 'nū tee 'nū ndís'tii nguéé dámaaⁿ nduudu cuaacu yeⁿ'é Ndyuūs, naati 'tiicá ntuūⁿ neⁿ'é 'nū 'cuuví 'nū cáávā ndís'tii caati 'āa neⁿ'e taavi cá 'nū

ndís'tií. ⁹Ndís'tií hermanos ye^{ní}e yú, n'gaacu ní ye^{ní}ē ntiiⁿnyuⁿ chi diíⁿ cá 'nū ní nga^{ná} 'nū nduudu cuaacu ye^{ní}é Ndyuūs nanááⁿ ndís'tií. Ní diíⁿ 'nū ntiiⁿnyuⁿ ndúúcu ta'á 'nū ndíí nguuví ndíí n'gaaⁿ cáávā chi véé necesidades ye^{ní}é 'nū. Ní nguée diíⁿ vaachí 'nū ndís'tií ye^{ní}ē dé'ē vee.

¹⁰Ní ndís'tií ní testigos ye^{ní}é 'nū. 'Tiicá ntúūⁿ Ndyuūs ní testigo ye^{ní}é 'nū tan'dúúca chi 'cuēetinee n'daacá 'nū ní diíⁿ 'nū dendu'ū chi cuaacu taachi caneé 'nū nguaaⁿ ndís'tií chi i'téenu ní Señor Jesucristo. Ní nguée mar 'áamá 'iiⁿyāⁿ cuuvi caaⁿmaⁿ yā chi nguée n'daacā diíⁿ 'nū. ¹¹Ní 'tiicá ntúūⁿ ndís'tií deenú ní tan'dúúca chi diíⁿ 'nū ndúúcu ca'áamá ca'áamá ndís'tií. Ní diíⁿ 'nū tan'dúúca chi nús'uu ní chiidá ní ndís'tií ní daiyá 'nū ní tee 'nū consejo ndís'tií ndúúcu 'viich'etífnūⁿ. ¹²Ní ch'iⁿi 'nū ndís'tií tan'dúúca chi cuuvi n'gēetinee n'daacá ní nanááⁿ Ndyuūs caati ndís'tií ní ye^{ní}é Ndyuūs ndís'tií.

Ní Ndyuūs ní yaa'ví yā ndís'tií chi cuuvi ndaa ní naachi Ndyuūs nga^{ná}a ntiiⁿnyúⁿ yā. Ní véé nducuén'ē cosas chí n'dai ye^{ní}é ní. ¹³Níicú cáávā nducuén'ē chuū cue^{ní}e daāⁿmaⁿ ní ca'á 'nū gracias Ndyuūs caati taachi ndís'tií ní ch'iinniveéⁿ ní nduudu ye^{ní}é Ndyuūs chi nga^{ná} 'nū nanááⁿ ndís'tií, chi'téenu ní nduudu miiⁿ chi nduudu ye^{ní}é Ndyuūs ní nguée nduudu chi ye^{ní}e 'iiⁿyāⁿ. Ní cuaacu chi nduudu miiⁿ ní ye^{ní}é Ndyuūs caati diíⁿ ntiiⁿnyuⁿ na vida ye^{ní}é ndís'tií chi i'téenu ní. ¹⁴Ndís'tií, hermanos ye^{ní}é 'nū. Dáamá cho'o ye^{ní}e ndís'tií taachi n'geenú ní ngii cucáávā chi diíⁿ 'iiⁿyāⁿ Israel chi paisanos ye^{ní}é ní ndúúcu ní. Chó'ōo

ntúūⁿ ye^{ní}e 'iiⁿyāⁿ chi na^{ná} yā yaācū naachi 'iiⁿyāⁿ i'téenu yā Jesucristo na yáⁿā Judea caati 'tíicā diíⁿ 'iiⁿyāⁿ Israel chi paisanos ye^{ní}é yā ndúúcu yā. ¹⁵Maaⁿ 'iiⁿyāⁿ paisanos chi 'iiⁿyāⁿ Israel ch'iiⁿnuⁿ yā Señor Jesucristo ye^{ní}é yú tan'dúúca chi diíⁿ yā ndúúcu profetas chi nga^{ná} yā nduudu cuaacu ye^{ní}é Ndyuūs tiempo chi 'āā chó'ōo. Ní 'iiⁿyāⁿ s'eeⁿ can'dáa yā s'uuúⁿ ní diíⁿ chi n'geenu yú ngii. Ní nguée diíⁿ yā chiiⁿ chi Ndyuūs ne^{ní}é yā chi diíⁿ yā ní contra yā nducyaaca 'iiⁿyāⁿ. ¹⁶Ní taachi ne^{ní}é 'nū nga^{ná} 'nū nduudu cuaacu nanááⁿ 'iiⁿyāⁿ chi nguée ye^{ní}e ndaata ye^{ní}é yā caati cuuví nnguaⁿai yā, 'iiⁿyāⁿ s'eeⁿ chi paisanos ye^{ní}é ní nguée n'guúⁿ yā chi nga^{ná} 'nū. 'Tíicā ní véé cá nuuⁿndi ye^{ní}é yā. 'Tíicā diíⁿ yā maaⁿ naati cuayiivi Ndyuūs ca^{ná} yā chi ca'a yā 'iiⁿyāⁿ s'eeⁿ 'áamá castigo chi neené diitūu ca.

**Pablo ne^{ní}é yā ca^{ná} yā taama
vmné^{ní}ēe ní n'diichí yā 'iiⁿyāⁿ
ye^{ní}e yāāⁿ Tesalónica**

¹⁷Ndís'tií hermanos ye^{ní}e yú 'áará chí maaⁿ ní yaⁿai snée 'nū ye^{ní}e ndís'tií ní nguée cuuvi naáⁿ 'nū ndís'tií nadacadiinúúⁿ 'nū ye^{ní}e ndís'tií. Néené ne^{ní}é 'nū cunée 'nū ndúúcu ndís'tií ní n'diichí 'nū ndís'tií. ¹⁸Ní diíⁿ 'nū nducuén'ē chi cuuví 'nū ti cuuvi ndaá 'nū nanááⁿ ndís'tií. Ní 'úú Pablo 'naaⁿ tiempo canee listo chi na^{ná} naati yááⁿn'guinūuⁿ diíⁿ sa chi nguēe cuuvi ndaá. ¹⁹¿De'ē cáávā chi snée ngiinū 'nū ní yeenú 'nū? Snée ngiinū 'nū ní yeenú 'nū ti cuuvi candéé 'nū ndís'tií nanááⁿ Jesucristo taachi

ndaa yā taama vmnéⁿēe. ²⁰Cuaacu níⁿnyúⁿ chi ndís'tií chi i'téenu nī ní diiⁿ chi néené yeenú 'nū cáávā chi díⁿ 'nū ntiiⁿnyuⁿ yeⁿ'é Ndyuūs nguaaⁿ ndís'tií.

3 Ní taachi 'āā ntéé cucheé 'nū chi nguéé ndaa 'nū nanááⁿ ndís'tií, tuu'mi ní nadicadínuuⁿ 'nū chi n'daacā chi maáⁿ 'nū n'geetineé 'nū na yāāⁿ Atenas. ²Ní dicho'ó 'nū Timoteo chi hermano yeⁿ'ē yú chi cuuvi n'diichi sa ndís'tií taacā snée nī. Saⁿ'ā miiⁿ 'āā diiⁿ sa ntiiⁿnyuⁿ yeⁿ'é Ndyuūs daama nduucú 'nū ní ngaⁿ'a sa nduudu cuaacu yeⁿ'é Cristo chi diiⁿ chi nadinguáⁿ'ai 'iiⁿyāⁿ. Saⁿ'ā miiⁿ ní cuuví cūnnee sa ndís'tií ní téé sa 'viich'etfínūuⁿ ndís'tií. Ní cuuví cūnee diitu cá nī ndúúcū chi i'téenu nī. Cáávā chuū dichó'ó 'nū Timoteo. ³Nguee neⁿ'é 'nū chi ndís'tií ndaacadaamí nī yeⁿ'e Jesucristo chi guee i'téenu nī Jesucristo cucáávā chi n'geenú nī ngii. 'Āā deenú nī chi canee chi 'cuenú nī cuuvi caati i'téenu nī Jesucristo. ⁴Ní cuaacú taachí ch'etinee 'nū ndúúcū ndís'tií chii 'nū ndís'tií chi ndaa tiempo chi canéé chi 'cuenú yú cuuvi tan'dúúcā chi ch'ó'oo yeⁿ'é nī. Chuū ní ndís'tií déenu nī. ⁵Ní cáávā chuū taachi 'āā ntéé cheé chi nguéé n'giindiveéⁿ yeⁿ'é ndís'tií cho'ó hermano Timoteo chi 'úú cuuvi deenú táacā snée nī ndúúcū chi i'téenu nī. Caati 'úú 'va'á chi yááⁿ'nguiniūuⁿ diiⁿ chi nguéé i'téenu nī ní maaⁿ ní nguéé dichí'vē ntiiⁿnyuⁿ chi 'āā diiⁿ 'nū nguaaⁿ ndís'tií.

⁶Naati maaⁿ ní Timoteo chi chiica sá yeⁿ'e ndís'tií chi snée na

yāāⁿ Tesalónica ndaā sa nanaáⁿ 'nū. Ní yaaⁿ'vi sa nús'uuⁿ chi n'daacā n'dai snée nī ti i'téenu nī Ndyuūs. Ní ngaⁿ'a ntúūⁿ sā chi neⁿ'e nī nducyaaca 'iiⁿyāⁿ. Ní yaaⁿ'vi sa nús'uu chi cueⁿ'e daāⁿmaⁿ n'gaacu nī yeⁿ'é 'nū ní neⁿ'é nī nús'uu. Ní néené neⁿ'é nī n'diichi nī nús'uu. Ní nús'uu neⁿ'e ntúūⁿ 'nū n'diichi 'nū ndís'tií. ⁷Ní ndís'tií hermanos yeⁿ'é 'nū cucáávā chi n'giindiveéⁿ 'nū yeⁿ'ē ndís'tií chi díítū canee nī ndúúcū chi i'téenu nī yeⁿ'e Señor Jesucristo yeⁿ'e yú maaⁿ ní véé 'viich'etfínūuⁿ yeⁿ'é 'nū yeⁿ'ē tanducuéⁿ'ē chi ch'eenú 'nū chii. ⁸Ní snéé 'nū tan'dúúcā chi véé vida ngai yeⁿ'é 'nū ti n'giindiveéⁿ 'nū chí n'daacā n'dai canee nī maaⁿ chi ndís'tií ní yeⁿ'e Señor Jesucristo ndís'tií. ⁹Maaⁿ ní gracias cuuvi nca'á 'nū Ndyuūs Chiida yú cucáávā ndís'tií ní cucáávā chi ndís'tií díⁿ nī chi yeenu taaví 'nū taachi ngaⁿ'angua'á 'nū caavā ndís'tií ndúúcū Ndyuūs Chiida yú. ¹⁰Ní ngaⁿ'angua'á 'nū ndíí nguuví ndii n'gaaⁿ chi Ndyuūs díⁿ yā chi ndaá 'nū naachi snée nī. Nífcú cūnnee 'nū ndís'tií nífcú cuuvi cu'téenu cá nī yeⁿ'e Señor Jesucristo yeⁿ'e yú.

¹¹Neⁿ'é 'nū chi Ndyuūs Chiida yú ndúúcū Señor Jesucristo yeⁿ'e yú cūnnee yā nús'uu caati cuuvi ndaa 'nū nanááⁿ ndís'tií. ¹²Ní Señor Jesucristo yeⁿ'e yú cūnnee yā ndís'tií caati cuuvi neⁿ'e cá nī nducyáácā 'iiⁿyāⁿ. Ní dineⁿ'e taavi cá nī tan'dúúcā nús'uu neⁿ'e taavi cá 'nū ndís'tií. ¹³Ní Ndyuūs cuuvi cūnnee yā ndís'tií chi 'áamá canéé vaadí neⁿ'e yeⁿ'é yā na staava yeⁿ'é nī. Ní nguéé véé nuuⁿ'ndi yeⁿ'é nī. Ní

canéé deeve staava yeⁿé nī nanááⁿ
Ndyuūs Chiida yú taachi ndaa
Señor Jesucristo yeⁿé yú ndúúcu
nducyáácá 'iiⁿyāⁿ chi i'téenu yā 'yā.

**Yeⁿé tan'dúúca chi Ndyuūs
neⁿé yā chi 'cuēetinee yú**

4 Maaⁿ ní di'cuíftu ca 'nū ndís'tii
hermanos yeⁿe yú ní ngiicá
'nū ndís'tii nanááⁿ Jesucristo chi diíⁿ
nī chuū. Tan'dúúca chi ca'cueéⁿ 'nū
ndís'tii táacá chi cuuvi n'geetinee
nī tan'dúúca Ndyuūs neⁿé yā, 'tíicā
'āā diíⁿ nī. Ní 'tiicá ntúūⁿ diiⁿ cá nī
cueⁿe daāⁿmaⁿ ní ngo'o cá diíⁿ nī.

²Ndís'tii ní deenú nī tan'dúúca
chí ch'cueeⁿ 'nū nanááⁿ ndís'tii
caati Ndyuūs dicho'ó yā nús'uu.
³Ní Ndyuūs neⁿé yā chi ndís'tii
n'geetinéeⁿ n'daacá nī. Ní nducueⁿ
chi diíⁿ nī, diíⁿ nī ti yeⁿé Ndyuūs
ndís'tii. Ní nguée caⁿá nī ndúúcu
'iiⁿyāⁿ chi nguée isaⁿa o n'daataá
yeⁿé nī. ⁴Ní ca'áámá ca'aama
ndís'tii chi saⁿā canee chi déenu
nī tan'dúúca chi cuuvi cuta'á nī
n'daataá yeⁿé nī ní 'caandavaacú nī.
Ní canee n'daacá nī ndúúcu n'daataá
yeⁿé nī. Ní dinéⁿe nī n'daataá yeⁿé
nī. ⁵Nguée diiⁿ nī cosa chi nguée
n'daacā ndúúcu cuerpo yeⁿé tá
tan'dúúca chi diiⁿ tanáⁿā 'iiⁿyāⁿ chi
nguée yeⁿé ndaata 'iiⁿyāⁿ Israel,
'iiⁿyāⁿ chi nguée déenu yā Ndyuūs.
⁶Ní mar 'áámá yú chi sáⁿā nguée
caⁿa sa ndúúcu n'daataá chi nguée
yeⁿe sa o n'daataá nguée caⁿa tá
ndúúcu 'áámá isáⁿā chi nguée yeⁿe
tá caati Señor Jesucristo yeⁿé yú
ca'á yā 'iiⁿyāⁿ miíⁿ 'áámá castigo
chí ch'ēete caavā nuuⁿndi chi 'tíicā
yeⁿé yā. Ní yeⁿé chuū 'āā n'diichi
yú na vida yeⁿe hermanos yeⁿe yú

chi diíⁿ yā 'túúca chi nginnche'í
yā hermano yeⁿé yā. Ní nguée
n'daacā chuū. ⁷'Tíicā Ndyuūs yaa'ví
yā s'uuúⁿ chi cuuvi yeⁿé yā s'uuúⁿ
cáavā chi diiⁿ yú nducueⁿé chi
n'daacā nguée caavā chi diiⁿ yú
cosas chi nguée n'daacā. ⁸'Tíicā
'iiⁿyāⁿ chi nguée diíⁿ yā tan'dúúca
chi ngi'cueéⁿ 'nū. Ndís'tii nguée
idi'vaachí yā mar 'áámá 'iiⁿyāⁿ.
Dámaāⁿ di'vaachí yā Ndyuūs caati
Ndyuūs téé yā Espíritu N'dai yeⁿé
yā s'uuúⁿ. ⁹Úú nguée canee chi
dinguúⁿ yeⁿé ndís'tii tan'dúúca
chi canee chi neⁿé nī nducyaaca
'iiⁿyāⁿ chi yeⁿe Cristo chi hermanos
yeⁿé yú. Deenú chi Ndyuūs maáⁿ
yā ngi'cueéⁿ yā ndís'tii tan'duucā
chi canee chi dineⁿé nī 'áámá nī
ndúúcu taama nī. ¹⁰Cuáácú chi
neⁿé nī nducyaaca hermanos yeⁿé
yú chi snée na yáⁿā Macedonia
naati maaⁿ ní di'cuíftu caⁿa 'nū
chi dinéⁿe ca nī hermanos yeⁿe nī.
¹¹Ngicá 'nū chi ch'ēetinéeⁿ n'daacá
nī nguaaⁿ nducyaaca nī ndúúcu
vaadi 'diiíⁿ. Ní diíⁿ nī ntiíⁿnyuⁿ yeⁿé
maáⁿ nī ndúúcu ta'á nī tan'dúúca
chi ngi'íⁿ 'nū ndís'tii. ¹²Ní diíⁿ nī
'tuucā caati 'iiⁿyāⁿ chi nguēe i'téenu
yā Jesucristo yeⁿe yú cuuvi diíⁿ yā
respetar ndís'tii ní véé necesidades
yeⁿé nī.

**Yeⁿé chi ndaa Jesucristo
taama vmnéⁿēe**

¹³Ndís'tii hermanos yeⁿé 'nū,
nguée neⁿé 'nū chi nguée cadíftuuⁿ
nī yeⁿe chi cuchii yeⁿe 'iiⁿyāⁿ chi
n'díí caati nguée cuuvi ndaachii
nuuⁿ nī tan'dúúca tanáⁿā 'iiⁿyāⁿ chi
nguée cunee ngiinú yā chí ndaa
Jesucristo taama vmnéⁿēe. ¹⁴Ní

'tíicā tan'duucā chi i'teenu yú chí Jesucristo ch'ii yā ní nduuchí yā ye"ⁿē nguaaⁿ tiná"ⁿā, 'tiicā ntúuⁿ i'teenu yú chí taachi Ndyuūs dicholó yā Jesucristo taama vmné"ⁿēe, Cristo miiⁿ ní ndēe yā ndúúcu yā nducyaaca 'ii"ⁿyāⁿ chí 'āā n'díí ní 'āā i'téenu yā Señor Jesucristo ye"ⁿē yú. ¹⁵Ní cáāvā chuū yaa'ví nū ndís'tiī chuū tan'dúúicā chí Señor chí'cuee"ⁿ yā nús'uu. S'uuúⁿ chí canduuchi yú ní canee yú na i"ⁿyeen'dí cūū ndíí ndaa Señor ye"ⁿē yú nguée candáánaaⁿ yú ye"ⁿē 'ii"ⁿyāⁿ chí 'āā n'díí. ¹⁶Caati maaⁿ Señor Jesucristo ye"ⁿē yú nch'éeⁿ yā ye"ⁿē va'ai chēeti nguuví taachí Ndyuūs ca'á yā orden. Ní ángel chí ch'ēete ca ní caa"ⁿmáⁿ yā ní dí'cuēecú yā trompeta ye"ⁿē Ndyuūs. Ní 'ii"ⁿyāⁿ s'eeⁿ chí 'āā n'díí chí chí'téenu yā Jesucristo taachi 'ii"ⁿyāⁿ s'eeⁿ snée yā i"ⁿyeen'dí cūū ní snuuⁿ yā maaⁿ yá"ⁿāa, 'ii"ⁿyāⁿ s'eeⁿ vmnááⁿ vmnaaⁿ nduuchí yā ye"ⁿē nguaaⁿ tiná"ⁿā. ¹⁷Tuu'mi ní s'uuúⁿ chí sндуuchi yú chí snee yú na i"ⁿyeen'dí cūū, Cristo mífⁿ cuta'á yā s'uuúⁿ na 'yúúné. Ní ndaa yú na meēⁿ ndúúcu taná"ⁿa yā chí 'āā n'díí, ní nducyaaca yú ní dáámá ndaa yú nanááⁿ Jesucristo na 'yúúné. 'Tíicā ní 'áámá cūnee yú ndúúcu Señor ye"ⁿē yú. ¹⁸Níicú cáāvā chí"ⁿ chí nca'a ní 'viich'etífínūⁿ 'áámá ní taama ní ndúúcu nduudu cūū.

5 Ndís'tiī hermanos ye"ⁿē 'nū, nguée canee chí dinguúⁿ nū ye"ⁿē ndís'tiī ye"ⁿē chēē fecha o de'ē tiempo nduuti chí tiempo 'iiche o 'íí'nūⁿ taachi ndaa Señor Jesucristo taama vmné"ⁿēe. ²Āā deenu n'daacá ní chí nguuví chí ndaa Señor

Jesucristo ní nguuví chí nguée du'ū vee deenu. Hora miiⁿ tan'dúúca hora ye"ⁿē n'gaaⁿ chí ndaa 'áámá duucu chí 'ii"ⁿyāⁿ nguée déenu yā. ³Níicú taachi 'tíicā nga"ⁿa 'ii"ⁿyāⁿ: Maaⁿ ní vée vaadi 'diiíⁿ ndúúcu yú ní seguro chí n'daacá canee yú tuu'mi dácanaaⁿ ní ndaa nanááⁿ ye"ⁿē 'ii"ⁿyāⁿ s'eeⁿ tiempo chí dí'cuinú yā 'ii"ⁿyāⁿ. Ní tiempo miiⁿ ndaa tan'dúúicā chí ndaa vaadi ya'āi ngii ye"ⁿē 'áámá n'daataa taachi 'cuundiyaāⁿ daiya tá. Ní ye"ⁿē tiempo miiⁿ 'ii"ⁿyāⁿ s'eeⁿ ní nguée cuuvi nánguaⁿai yā ye"ⁿē. ⁴Naati ndís'tiī hermanos ye"ⁿē nguée canee ní tan'duucā chí nguée deenú ní ye"ⁿē chuū, ní ndaa tiempo miiⁿ tan'dúúicā tiempo chí ndaa 'áámá chí duucu. ⁵Ní nducyaaca s'uuúⁿ ní ye"ⁿē deene s'uuúⁿ ní s'uuúⁿ ye"ⁿē nguuví s'uuúⁿ. Nguée ye"ⁿē n'gaaⁿ s'uuúⁿ ndíí nguée ye"ⁿē na maāiⁿ s'uuúⁿ. ⁶Ní cáāvā chuū nguée ch'ēetinee yú tan'dúúicā chí 'cuēeti yaadu yú tan'dúúicā taná"ⁿā 'ii"ⁿyāⁿ chí nguē cūnee ngiinú yā Señor Jesucristo ye"ⁿē yú naati 'cuēeti nduuchi yú, níicú cadiinuⁿ yú. ⁷'ii"ⁿyāⁿ chí cyaadu ní cyaadú yā n'gaaⁿ. Ní 'ii"ⁿyāⁿ chí ngii cúú'ví, ní cuuvi cúú'ví yā n'gaaⁿ. ⁸Naati s'uuúⁿ chí ye"ⁿē nguuví s'uuúⁿ ní 'cuēetinée yaaⁿ yú nguuví chí ndaa Señor ye"ⁿē yú. Ní diiⁿ yú cuidado s'uuúⁿ chí 'aama canee yú lado ye"ⁿē Ndyuūs cucáāvā chí i'teenu yú. Ní canee chí ne"ⁿē yú nducyaaca 'ii"ⁿyāⁿ. Ní diiⁿ yú tan'dúúicā 'áámá soldado dííⁿ yā defender mááⁿ yā ndúúcu armadura ye"ⁿē yā. Ní canee yú cūnee ngiinú yú nguuví chí Ndyuūs nadanguá"ⁿai yā s'uuúⁿ ye"ⁿē castigo. Ní chuū ní tan'dúúicā 'aama soldado sta'á yā

cachucha yeⁿe cūū yeⁿé yā ní dííⁿ yā defender tiíⁿ yā nduūcū. ⁹Ní Ndyuūs nguée yaa'ví yā s'uuúⁿ chi cuuvi yeⁿé yā s'uuúⁿ caati téé yā s'uuúⁿ castigo chi díftūu naati caati nadanguáⁿai yā s'uuúⁿ yeⁿe castigo cucáávā Señor Jesucristo yeⁿe yú. ¹⁰Nífcú Jesucristo ch'ii yā na cruz cucááva s'uuúⁿ caati maaⁿ ní cuuvi caⁿa yú 'cuētinée yú nduucú yā taachi ndaa yā 'áará chí n'gētinée yú na iⁿ'yeeⁿdí cūū o 'áará chí 'āā ch'ii yú. ¹¹Ní cáávā chuū ndís'tií ní nca'á nī 'viich'etíínūuⁿ ndís'tií ní di'cuíftu nī 'aamá nī ndúúcū taamá nī tan'dúúcā chi maaⁿ 'āā idiíⁿ nī 'aamá nī ndúúcū taamá nī.

**Pablo nca'á yā consejo hermanos
chi yeⁿe yāāⁿ Tesalónica**

¹²Ní di'cuiitū nū ndís'tií chi 'caandiveéⁿ nī yeⁿe 'iiⁿ'yāⁿ chi diiⁿ ntiíⁿnyuⁿ yeⁿé Ndyuūs nguaaⁿ ndís'tií caati 'iiⁿ'yāⁿ miiⁿ ngaⁿa ntiíⁿnyúⁿ yā ní itée yā consejo ndís'tií. 'Iiⁿ'yāⁿ s'eeⁿ ní 'iiⁿ'yāⁿ chi Ndyuūs dich'o yā nanááⁿ ndís'tií. ¹³Ní canee chi n'giindiveéⁿ nī ní dineⁿe cá nī 'iiⁿ'yāⁿ s'eeⁿ cucáávā chi dííⁿ yā ntiíⁿnyuⁿ yeⁿé Ndyuūs. Maaⁿ ní 'cuētinée n'daacá nī 'aamá nī ndúúcū taama nī ndúúcū vaadi 'diiíⁿ.

¹⁴Ní di'cuiitu cá nū ndís'tií hermanos yeⁿe yú chi dííⁿ nī chuū tan'dúúcā chi idinguúⁿ nū. Caaⁿ'máⁿ nī cuuví nī 'iiⁿ'yāⁿ chi nguée neⁿe diiⁿ ntiíⁿnyuⁿ ní cunnee nī 'iiⁿ'yāⁿ chi 'va'a. Ní ca'á nī 'viich'etíínūuⁿ yeⁿe 'iiⁿ'yāⁿ chi duūvá yā. Ní canée chi véé paciencia yeⁿé nī ndúúcū nducyaaca 'iiⁿ'yāⁿ.

¹⁵Ní n'diichí nī chi din'daacá nī ndúúcū 'iiⁿ'yāⁿ chi nguée din'daacá yā nduucú nī. Naati 'tífcā diiⁿ núⁿú yiiⁿ'nuⁿ nī chi din'daacá nī 'áamá nī ndúúcū taamá nī ndúúcū nducyaaca 'iiⁿ'yāⁿ.

¹⁶Nducuéⁿe tiempo ní yeenú nī. ¹⁷Cueⁿe daāⁿmaⁿ ngaⁿ'angua'á nī. ¹⁸Nífcú ca'á nī gracias Ndyuūs caava nducuéⁿe chi cho'ō nuúⁿ nī caati 'tífcā neⁿé Ndyuūs yeⁿe yú chi dííⁿ nī ti maaⁿ ní i'téenu nī Cristo Jesús.

¹⁹Nguēe diiⁿ nī chi nguée n'giindiveéⁿ nī nduudu yeⁿe Espíritu N'dai yeⁿé Ndyuūs. ²⁰Ní nguée diiⁿ nī despreciar nduudu yeⁿé Ndyuūs chi ngaⁿ'a 'iiⁿ'yāⁿ, nduudu chi Espíritu N'dai yeⁿé Ndyuūs ca'a yā 'iiⁿ'yāⁿ. ²¹N'diichínee nī nducuéⁿe dendu'ū nduuti chi n'daacā o nguée. Nífcú cuta'á nī yeⁿe nducuéⁿe chi n'daacā ní din'daacá nī. ²²Ní diví nī yeⁿe nducuéⁿe chi n'diichi nī chi nguée n'daacā.

²³Ní maaⁿ ní Ndyuūs yeⁿe yú tee yā vaadi 'diiíⁿ s'uuúⁿ ní dideevé n'daacá yā ndís'tií. Ní candée yā cuidado ndís'tií ndúúcū espíritu yeⁿé nī ndúúcū alma yeⁿé nī ndúúcū cuerpo yeⁿé nī ndúúcū nducuéⁿe vida yeⁿé nī. Ní 'ífcú 'iiⁿ'yāⁿ cuuvi caaⁿ'máⁿ yā chi nguēe véé mar 'áamá nuuⁿndi yeⁿé nī taachi ndaa Señor Jesucristo yeⁿe yú taama vmnéⁿēe na iⁿ'yéedí cūū. ²⁴Nífcú Ndyuūs chi yaa'ví yā ndís'tií chi cuuvi yeⁿé yā ndís'tií dííⁿ yā chi véé confianza yeⁿe yú ndúúcu yā. Ní Cristo miiⁿ ntúúⁿ dííⁿ yā cumplir nducuéⁿe chi ngaⁿ'a yā chi cuuvi diiⁿ yā.

Pablo ca'a yā saludos 'ii"yāⁿ
 ní ne"é yā chi Ndyuūs ca'a
 yā cosas n'dai ye"é yā

²⁵Ndís'tii hermanos ye"e yú
 nga"angua'a ndís'tiī cáávā nús'uu.

²⁶Caa"má" nī nducyaaca
 hermanos ye"e yú: N'dai ndís'tiī.
 Ní ituu'ví nī cheendi yā taachi
 dií" nī saludar hermanos ye"e yú

tan'dúúcā costumbre ye"e yú ti
 ye"e yú Ndyuūs.

²⁷'Úú ndúúcū poder ye"e Señor
 nga"á ngii chi 'cueé" nī carta 'cūū
 nanáá" nducyaaca hermanos ye"e
 yú.

²⁸Ne"é chi Señor Jesucristo ye"ē
 yú téé yā ndís'tiī nducue"e cosas
 chí n'daacā taavi ca ye"é yā. 'Tífcā
 cuuvi.